

武功縣志



續武功縣志卷之四

人物志第七上之一

武功多世族漢魏以降蘇氏累葉簪纓不減城南韋杜宋有游氏亦克濟美自前明以迄我

朝名公鉅卿輩出子孫繼承亦能以詩書科第振其家聲綿為世族蓋三輔文獻之邦也考諸譜牒先世起家莫不以忠厚勤儉為

本是以後代相傳皆能蒙其庇蔭歷久不衰苟為之子孫者更加培植延其世德則五世之澤再實之木不必為世祿虞也至於弱

族孤芳編氓高秀本原既厚培養易滋後世克繼遺徽子孫必致昌大此則余於邑中諸君子有厚望焉李紹韓續志著錄七十六

人任宣明康海楊秉中康浩牛兆祥李朝綱張儒珍耿儒耿朝用張鎰趙珂李時芳康榕牛佳康垣張汲李時茂張相馬當張橋耿志輝郭內後康坊朱國楨趙希喬張榮丁世勳李服義馬鳴世張

卷之四

臬張樞張梯黃建極王鎰尚承業丁仕俊李可楨尚聘康紹叔國朝耿獻忠霍達封贈明康鑿李文厚馬旻康國揚師孟利明楊

德釋明圓姪劉志沈華後志著錄五十三人宦烈馬鳴玉耿瑩然張文熙焦勤漢引叔張文燦楊澤牛衍慶馬班張封張增張德惠黃

相袁焦吹漢馬遜姿李含英焦吹借楊一漳義明康禹民康萬民張康呂賦薛文龍牛星純張球宇文瑩文學趙繩祖朱運豐耿獻可

張應福楊鑄隱逸張煌李自廉能馬慧姿黃虞李張仲馬歸趙景節錢汝器志著錄三十九人梅馬朝宗楊一正楊君寵儒林劉燦

趙夢璧馬衍宗楊洪龍張維紳孫景烈孝義馬傑張錫綬張金綬郭容兆張金甫閔張金燾劉漢潤楊錫躍張天達復木

新志著錄六十三人訪河牛逢慶翰張玉樹張潔張煥張延桐張煥弓峻登弓燿郭慎行黃鑑焦世曾焦士範焦繼烈李繼明程登



彪縣卷李柏周大用邵封錄馬翹楊季昌尚聰孫國良皆依據舊
李可楨黃鸞張山人張氏洲文集劉永年孫景昌何瑞皆依據舊
志叅以諸家譜牒及孫氏景烈邵封錄張氏洲文集以次編纂諸
系可稽則做南北史王謝諸傳之例合爲一篇餘做史列傳義例
分合比次要皆畧約時代科第爲先後焉仙釋依康氏志例不錄

康海

康海字德涵號對山事詳明史本傳不具論論其軼事海數歲與
羣兒嬉交鏞授之業輒退而嬉怒欲筆之課所業無可筆乃已於
書覽而不誦嘗曰上士恒逸下士恒勞誠虛吾衷以友博學則博
不在友而在我爲諸生時什九在外日與朋友論說挾冊者笑之
旣而同試笑者方構思海已投卷逝凡撰著中煩而外疲弗爲也
惟靜而虛虛而怠生滔滔乎來天然後操觚而揮雖衆咻弗聞未
及乎匱也正焉蓋養其鋒而善用之恒若新發矟及第狀元授修

卷之四

二

撰充經筵講官凡著作必宗經而子史以宋爲俚唐爲巧秦漢爲
伯仲而未醇故同進者忌海海遭母喪歸還沙河遇盜臣令償失
金海受之及劉瑾敗忌者劾海交瑾令懼瑾故償金遂罷官海愛
人之心長而自好短嘗援李夢陽於死後顧謗其交瑾放廢不復
起然海未嘗仇夢陽也海之廢也以文爲身累遂倦於修辭曰辭
章小技耳壯夫不爲吾詠歌舞蹈泉石間已矣乃製樂府諧以聲
容自操琵琶倚歌別居澹西莊自號澹西山人又號泚東漁父賓
至彈琵琶娛賓或勸其仕則怒舉琵琶提客然海事親孝嗣族黨
厚教育子弟戚黨皆成名嘉靖十九年年六十六卒命以山人巾
服殮遺鼓三百副所著有對山文集泚東樂府康氏族譜張氏族
譜武功縣志行世子栗字子寬岸生早卒著有子寬集次稷字子
秀號小山喜任俠詩文有父風萬歷舉人聞喜靈壽知縣有政聲

著有小山集子。禹民字水衡。監生。工詩文書法。禹民字公遜。一字無沱。亦監生。博學能文。與兄禹民齊名。有增讀蘇蕙回文法。禹民更得十萬首海叔錫鑿。錫字振祿。成化貢生。藁城縣丞。士民稱廉直。錫字華伯。有文行。宏治貢生。長洲縣丞。常州府知事。子淳字德一。與弟簾學行。濟美。簾字德周。嘉靖貢生。裕州學正。鑿字振聲。負幹濟才。宏治末。西虜入寇。出金助餉。子浩洋。河浩河成進士。以浩官封戶部主事。河官贈知府。浩字德充。正德進士。戶部主事。遷郎中。以顛直出守嘉定府。禮士愛民。有政聲。先是從兄海與御史陳察不相能。察時按蜀。嫉浩罷去。著有旻齋集。澤光祿寺署丞孫。歟號後溪。庠生。博學工文。卒不第。以安貧講學老。著有後溪集。子國字濟宇。庠生。事繼母何。撫異母弟孝友。爲宗黨法。嘗醉游淖畔。薄暮。遇少婦。厲涉避去。有無賴。瞽仇將殺諸阨。遇國得不死。居間釋其仇。終不與瞽言。爲文千言立就。書工楷法。時有關西兩絕之目。卒祀鄉賢祠。

卷之四

三

國朝贈戶部主事。著有德庵集。子引叔字延周。崇禎舉人。

國朝湯陰知縣。鄰邑詭寄田賦。釐清積弊。治湯衛二水。患去而利普。邑有冤訟。致千金。斥不受。卒白其事。遷戶部主事。解組歸。著有積善錄。漳野詩集。子呂賜字復齋。自號南阿山人。廩生。居喪三年。不御酒肉。能文章。自命必成進士。兩舉副榜。不售。嘆曰。求人何如求己。歲額及貢。棄去。潛心經史。面壁研精。得理學宗旨。以致良知爲宗主。以慎獨爲工夫。以體用一原。內外兩忘爲究竟。著有四書語錄。易語錄。雜語錄。三禮及詩書史錄。高安朱公軾。海寧陳公世倌。皆稱其得理學真諦。雍正九年。端坐卒。祀鄉賢祠。弟呂賦。庠生。九歲失怙。善窺母意。旣授室。生子。嬉戲如六七歲兒。母卒。絕粒四

日既禴不御酒肉。蚩從孫紹叔字殿周順治貢生平涼苑馬寺訓導克興士習。河字德清嘉靖進士戶部主事明世宗廉其才命徵涇王祿米不數日報績使齎馬房弊歲省金錢數萬知兗州贛州知府發摘若神有勢宦仇訟互誣人命前守積不決河廉其皆誣訟遂解於是訟難白者造河求決焉著有漳川集子從萬歷貢生肅王府教授躬行禮讓被容接者雍然有儒雅風河族兄弟演字文敷成化貢生少負經濟瀕仕卒子永嘉字可久族叔海嘗以進士器之後由正德貢生除伊陽縣丞性孤介恥與世浮沉致仕歸子輪學肖其祖父嘉靖貢生永嘉族子垣字廣廷萬歷舉人河南府通判有治才垣從弟珩字君畿萬歷舉人芮城教諭。

志曰方夢陽在獄寄海片紙云對山救我後世傳爲佳話王世貞史乘攷異反復幾二千言傳聞異辭迄無定說明史載海謁瑾設詭辭說之瑾意解釋夢陽言簡意該洵稱史筆呂賜素以文名所撰續譜海傳僅據別錄而弗折衷他說殆未見王氏別集與河積學居官亦海之次豈無行狀家傳續譜削而不錄抑又何也。

趙珂

趙珂字德儀漳環邨人曾祖庸永樂舉人秦王府右長史子履信生經皆庠生經生珂嘉靖貢生成都府訓導以禮讓誨諸生遷藩

志作潘

設王府教授時有王生不給湯粥珂贈以米資衣食使受業焉

珂罷官數年卒將葬郡令來弔盛禮祭哭甚哀王生也王習堪輿學爲定塋兆去

鄆縣志王命山西安邑人嘉靖二十六年淮任考其時代命蓋王生

子希彭傳國壁

昌言皆庠生昌言子繩祖字其武號雍門順治辛丑進士工部觀

政尋卒繩祖文不好竒得先正法蓋屋楊河及弟淵同領順治辛酉鄉薦皆繩祖弟子歲荒族有鬻女者贖爲己女及長嫁之子煥

庠生。生驥恒字燕乘。雍正舉人。工舉子業。因父病兼精醫學。著有選注瘟疫諸書。子景梅字調三。讀書不沾沾章句。而文思超軼。由乾隆舉人。除府谷教諭。子閻。閻子文炳。俱庠生。自庸至文炳十三世。皆庠生。希彭弟希喬字北溪。明萬歷貢生。除南漳縣訓導。遷洸。岷衛教授。所在稱善教。夢璧字流荆。與驥恒爲族兄弟。而分支無考。夢璧乾隆貢生。少失恃。育於祖母。事祖母以孝稱。邑令延主書院講席。從祖弟和璧字秦璽。乾隆舉人。工詩文。弟子數十人。被其沾丐。

丁世勳

丁世勳字欽吾。在城里人。族孫煥據廟主。編列始祖天祐以下。世勳次八世。家貧廢學。同邑張汲憐其才。令與諸子游。從而飲食教誨之。世勳感奮力學。爲諸生。師王死。養其妻子終身。由萬歷貢生。

卷之四

五

官鳳翔教授。稱職。卒。祀鄉賢祠。世勳嘗拯陶工郭。成。成病。愈。謝以金。弗受。歲荒。鄰人常寬盜世勳木。世勳憐其貧。贈粟。戒改行。世勳卒。寬喪服執紼。自述舊德。人始知之。橘亦八世。封浥池知縣。生仕俊。萬歷舉人。知浥池縣。歷遷工部郎中。左遷合州。官名罷歸。仕俊爲人淳質。無機械。鄉里稱長者。

馬當

馬當字大任。在城里人。五世祖肅。贈戶部主事。生驥。驥。駟。駟。駟。駟。見前志。孫襲吉生當。當篤於同氣。嘗鬻宅代償兄逋。而自儉。屋居由萬歷貢生。除開州訓導。同官吳瑾卒。當營棺殮。歸其櫬。遷孟縣教諭。諸生趙延慶貧。而能交。當周以衣食。爲婚娶。後延慶與當從孫鳴世同榜進士。語及當。輒泣下。卒祀鄉賢祠。開州孟縣名宦。祠孫之驥字三良。庠生。

完通賦其最著者子位字思山能詩工書法嘗代張尚書照書九
符樣本蒙

恩褒許充

武英殿纂修旋卒著有秋窓隨筆南垞詩稿選入

國朝英華錄及別裁集逸姿弟碩姿子傑字秀升以醇謹稱事繼
母孝母齋素母歿祭必素饌由廩貢生除西寧訓導兩舉鄉飲大
賓碩姿弟慧姿字彥林康熙舉人知魯山縣抑豪強濟饑饉民頌
其德罷歸捐地建靜山書院藝林稱之駟字應芳少從兄驥授書
勤學淹雅明成化甲辰成進士授戶部主事督糧昌平杜宦寺冒
支由員外郎轉河南按察司僉事布政司右叅議清理錢穀疏通
黃河淤澱上官交薦其能轉四川左叅政時璫勢方盛乞歸老朝
廷以駟職業修舉恬退可嘉詔以右布政使致仕時年六十五優

卷之四

七

游田園以老蟠龍號松谷馭孫年二十三膺嘉靖甲午鄉薦除保
寧府通判上官廉其能檄核州縣事宜臧否取決焉卒於官祀鄉
賢祠子百履號後山醇篤有容惡少醉侮之避去若不知卒祀鄉
賢祠子晏庠生有善行無子嗣兄晏子鳴玉以鳴玉官贈汾州同
知鳴世字聲希號岫旭蟠龍孫父晏贈順天府丞鳴世萬歷丙辰
進士除知洪洞砌石梁爲渠灌田百餘頃民利之擢御史巡山東
時魏璫勢熾爭建祠獻諛或諷鳴世曰魯人獵較奈何違衆持虎
鬚鳴世弗從魏銜之時題差宣大竟矯命削籍崇禎初詔復原官
鳴世抗疏辨君子小人莊烈帝深嘉之遷順天府丞左右通政太
僕寺卿在通政疏請增兵措餉以討流寇云廟堂之上以延慶視
延慶未嘗以全秦視延慶以秦視秦未嘗以天下安危視秦而且
誤視流寇爲饑民識者謂切中時弊晉副都御史巡撫操江尋以

病歸起戶部侍郎以母憂歸

國朝順治元年流寇李自成據西安逼降不屈死初監軍陳某欲安插南兵於武功時鳴世家居以地小民貧爲言事得寢邑人懷其德祀鄉賢祠著有中丞奏疏防江疏草弟鳴玉字聞德明崇禎貢生除知柘城設科條三十五時流寇猖獗所過殘破鳴玉訓練義勇防禦周密城獨全遷汾州府同知策平汾盜合機宜遷汾州府知府汾有慶成永和兩藩王素武斷爲民害鳴玉裁以法皆斂跡崇禎十六年流寇李自成據西安迫輸餉不屈歸自是逍遙林下二十年著有西園詩稿班字漢雙鳴玉子

國朝康熙丁未進士除知平山革恢社鎮商稅千金再知沐陽裁城門擔夫稅錢舉廉遷吏部驗封司主事以清慎稱與修

會典告成授江南驛傳道留部未赴卒於官鳴玉從弟鳴秋字駿

卷之四

八

聲蟠龍弟允龍曾孫康熙貢生童穉知孝年十四就學西安母疾思鳴秋鳴秋輒心動急歸省母疾旋愈遭親喪卧苫枕塊三年忌日悲泣如初喪父國英撫兄國榮遺孤成立鳴秋分爨均已貲驥伯父貞十世孫錦字素菴雍正舉人知福建寧陽縣多惠政士民肖像祀任五年歸舉鄉飲大賓蟠龍元孫章學於李中孚未卒志死見續志譜無

志曰馬氏譜牒稱驥父肅力田養親事兄如父力有餘則修道路橋梁不愧長者其子孫代膺顯秩宜然而捐軀殉難三世繼美豈不難哉頴安布衣耳慷慨同愾卓然與璿爭光嗚呼烈矣

楊舟

楊舟字濟川南里城人曾祖禮明初人孫鑑生舟宏治貢生山西夏縣訓導善易撫兩兄遺孤如子從叔父輝無子旣葬修其歲祀

子秉中貴封雲南道監察御史秉中字用之號南里正德辛未進士除行人司行人奉命封韓籛例酬使臣金幣不受王重其操贈以圖贊遷監察御史嘉靖五年武清民桑謹七人被盜誣陷辨其冤釋之巡按四川逕武功丁父憂七年服闋入都寓真如寺桑謹七人亦圖秉中容以獻補雲南道監察御史直聲上聞世宗賜御膳官器寵異之終以忤權貴授山西按察司副使旋乞歸曾孫師孟號小樓少孤貧跋涉經營獲錙銖必報毋以博毋歡以子澤國朝贈崞縣知縣澤字雲涵號臨川明崇禎癸未進士除知汲縣遭流寇亂棄官歸里。

國朝初除知烏程縣賦重累民給照單質宿弊盡除以憂去再知崞縣崞近直隸時禁逃匿旗丁澤嚴保甲令自首免罪讞五台山獄賊黨誣良善力爲開釋五年罷歸著有偶然錄。

牛兆祥

卷之四

九

牛兆祥字朕吉牛家寨人宋靖康間始祖正徒武功占籍郃封里傳九世孫經明宏治貢生常州經歷生兆祥由正德舉人除開封府推官有神明之目遷知昌平州錦衣衛內監騷擾絡繹兆祥僞與交置酒極歡暨喜皆俯首聽指揮舉廉遷登州同知再遷韓王府左長史貧不自贍負貸歸子恒字子占號槐堂十歲能詩嬉戲俯仰皆詩致嘉靖乙未進士除知山西壺關縣政尚清簡作縣后詩數十首有汲黯卧治淮陽風草異上計遷戶部主事支對密雲草場災謫河間通判尋遷南京戶部員外郎除維揚稅弊再遷河南周王府左長史輔導諸王歷二十年無懈心間作詩歌以寄諷喻其周府宮詞曰春殿牙籤萬軸餘香勻風細綠窻虛侍兒臨罷誠齋帖函出先呈女校書蕭蕭修竹映池寒分汲銀瓶灌牡丹報

到花朝開內燕競持金剪遮朱欄。夜來行樂雁池頭。侍女分行秉
燭遊。唱徹憲王新樂府。不知明月下樊樓。叢生桂樹後山幽。花石
猶傳後代留。宮姬引來巖際望。蔡河春漲拍天浮。以台南下令婆
墳。憶昔從王掌秘文。今日綺羅何處是。野花啼鳥自紛紛。恒爲長
史在莊敬。二王間櫟下周元亮。稱詞雖五章。可當夢華錄數卷。所
著有九峯樵吟。槐堂集。古文辭集。白閣策筌子。佳字元德。善屬文。
以萬歷選貢。除綿竹知縣。明敏有祖風。左遷浙江鹽運司經歷。轉
課京師。後期罷。子中兕生。屋炮字峴玉。

國朝順治間人。三齡失怙。依母膝下。旣析居。與母偕。母間宿昆季
家。則寢食倉皇。母年八十。漸衰瘠。每撫母背。輒悲啼。不自禁。子逢
慶。字原其。康熙選貢。邑令沈華。延教授義學。與修後志。舉鄉飲大
賓。孫氏景烈。稱武功。二牛氏。歲貢生之。璪才高而文沈雄。選貢生
逢慶。學富而文雅飭。俱有可傳者。中兕兄中麟。孫衍慶。字慶長。順
治舉人。除知河南西華縣。水潦傷稼。報減賦額。抑不行。文七上罷。
歸。佳弟佳子。中麒。字仁徵。明崇禎貢生。工書畫。築室容膝。庭蒔花
木。寢食其中。里人多不面。耿志煒與中麒兒女姻。勸其仕。笑而不
答。以窮約老。

志曰。牛氏多才。恒尤風雅。讀槐堂集。想見其俯仰焉。白閣策筌惜
未見讀黃東麓傳。爭輝洗東矣。

李文厚

李文厚。以子朝綱官。封監察御史。鄉里稱長者。朝綱執法不阿。某
自度必得罪。密乞文厚關說。文厚固辭。時謂文厚有子。朝綱有父。
云朝綱字振之。號武川。由正德舉人。除知聞喜縣。清介特著。上官
某疑其詐。假覈錢穀。笑入內室檢笥中。舊衣書籍耳。朝綱妻方紡

績竈下炊脫粟某嘆曰吾真小人也首薦之尋擢御史巡歷所至墨吏望風靡嘉靖間疏請罷天下中使遷山西按察司副使岢嵐道卒以清直罷歸孫國華曾孫崙生皆

國朝康熙貢生。

耿儒

耿儒字季醇元末名再成者從明太祖開國勲勞死事追封泗國公其別支白固始徙武功兄弟三人分東西耿輝爲西耿永樂貢生府軍前衛經歷曾孫堂贈太平知縣生儒正德十四年與族兄弟朝用同舉於鄉時號雙龍除知河津太平修學校嚴緝捕明察無敢欺舉廉行取入都不能俯仰交納出判廣平府卒祀鄉賢名宦祠子光前字爾孝與諸弟析居僕婢擇其老者曰事予久樂與侶也田土分其瘠者曰予所置也衣服器用取其舊敝者曰予所

卷之四

十一

習用也邑人稱其義舉鄉飲者賓子評萬歷貢生贈吏部文選司郎中子志煒字明夫號孟諸萬歷癸丑成進士除荊州推官荆地瀕江患漸洋二洲水害志煒築堤三千餘丈人咸樂業稱曰耿公堤荆有湖田民久業福籓請益采下其議撫臣梁某議如所請志煒不從某怒將以違旨劾辯益力竟得寢遷吏部主事文選司員外郎天啟初魏璫用事歸里杜門不出者八年崇禎初起文選司郎中莊烈帝書其名示輔臣曰耿志煒清公任勞怨可久任也會推閣臣尚書王永光意主溫體仁囑志煒署名濡筆強之志煒正色曰閣員豈徇情之具私寓非考相之所投筆出尋遷翰林院提督四譯館太常寺少卿以母老乞養歸值流寇猖獗志煒激邑人忠義登城固守城賴以全崇禎丁丑十月五日有星隕於門越二日卒邑人懷其德祀鄉賢祠更建專祠以祀著有怡園新詩和元

韻詠懷詩。子獻忠字伯長。崇禎選貢生。除元城縣主簿。累官廣西巡撫。

國朝順治初。分巡閩。官名志譜皆缺時明唐王朱聿鍵初平。執獲首功。不

辨珉玉。獻忠訊釋數千人。除廣東布政使。時李成棟鎮廣東。任武

捷。擢折士大夫。獻忠警成棟。粵東世族多獲保全。順治五年。成棟

以廣東叛。附明。永明王朱由榔。獻忠事見明史。朱天麟傳。順治九

年。授廣西志作廣東巡撫。未蒞任卒。子啟乾字子元。庠生。明末荒旱。頻

仍啟乾。資粥施賑。復買棺掩遺骸。人稱其義。尤前弟光範。元孫星

字天章。學工制藝。年三十。猶應童子試。康熙己卯。學政陸公德元

聘舉人。錢可大闕試卷。知星閩武功卷。得佳交。拍案曰。必耿君也。

陸折卷果星。由是名大著。由雍正貢生。肄業國子監。客死都中。朝

用號兩泉父雄。爲東耿生朝用。正德舉人。知盱眙縣。以仁厚清廉

著。遷濟甯府通判。霸州知州。祀霸州名宦祠。兄字子進。字德寵。某

竊進粟。猝遇進。進曰。卽貧。何至是。某惶伏。進遺竊粟。遣去。歲祲。焚

貸卷盡。皆人所難能者。舉鄉飲賓。孫瑩然字碧若。崇禎舉人。

國朝初。除岐山教諭。遷獲鹿知縣。平田賦。清訟獄。吏嘗以金斥之。

時禁匿逃旅。律連坐。委曲辯理。多保全。真定營卒擾鄉曲。制以法。

皆斂跡。近山多嘯聚。遷鄉勇擒捕。悉解散。子獻忱。曾孫汝荃。居城

東街。乾隆丁丑母閔卒。寢苦三年。己卯冬。葬母河東二水寺。晝理

家計。夜宿墓側。又三年。獻忱弟獻極。字建公。庠生。性豪邁。喜急人

難。而涇渭自分。舉鄉飲介賓。孫性良。字醇夫。工書法。敏於文科。試

五經。專經者。瞠乎後也。爲諸生。與孫氏景烈。齊名。同受知於邑令

楊毓芳。以乾隆選貢卒。毓芳聞其喪。哭之慟。瑩然兄子獻可。字君

若。庠生。應歲試。榜未放。學政令自信者。領卷。諸生率遠巡。獻可詣

院曰李生第一。生次之。學政喜其氣度。曰真秀才也。終康熙貢生。志曰志煒進退從容。綽綽有古大臣風。觀其見幾寺禍。杜門八年。未嘗不爲楊左諸君子惜。而後裔凌替。落落無所表見。東歌無顯宦。瑩然清介。克述父德。俾子孫詩書承繼。代有傳人。朝用家聲。賴以不墜。豈不賢哉。然而鄉人稱耿氏賢者。必首曰耿太常。

魏河

魏河字本澄。戴家坡人。嘉靖舉人。除常州府通判。議甦江陰縣江田逋賦。丁內憂歸。復補大名府通判。六世孫蒞。

國朝康熙舉人。洛川教諭。善書。子正宗。

贈興平縣教諭。家貧。飯食炒豆一掬。學益力。子焯字伯明。乾隆副榜。除興平縣教諭。課諸生。先性理。次文辭。錄大學衍義誦之。終身遇春秋廟祭。前三日。不飲酒。不茹葷。如古齋禮。

楊纘

卷之四

十三

楊纘字裔昔。北關人。始祖控。明洪武間由固始遷武功。十世孫立嘉靖貢生。曲沃訓導。生纘。有學行。嘉靖舉人。會試卒於京師。嗣兄纘子痒生。孽。生汝智。庠生。鄉飲者賓。子懷璵。亦庠生。鄉飲介賓。以子季昌官。

國朝封松陽知縣。季昌字九如。順治辛丑進士。吏部觀政。出爲松陽知縣。稱能吏。以親老乞歸。善書法。工詩。文著有江遊集。海東秋吟。箋雲樣槎。嶰雲集。子鳳翥。亦庠生。纘七世孫滋甲。字特生。采嘗學問。孝悌性成。居親喪。哭泣痛及鄉鄰。

張海

張海世居興城里。七世祖盛。元大德間人。元孫敬。明洪武間人。生海。海天性朴厚。嘗市肉。屠給衡數信之。某掘地得金。誤以易鋤。海

篤行士棨弟樞字斗垣。明天啟選貢。山西絳州同知。攝蒲州事。以廉正稱。大學士韓爌家居。重樞。韓奴橫。亦懲以法。卒祀鄉賢祠。子承煜字魏卿。樞遺腹子。

國朝主員博雅多聞。鍾字伯始。號漆濱。嘉靖戊子。與弟鍊同舉於鄉。時號雙鳳鍊早成進士。或勸鍾謁銓曹。鍾曰。千鈞之弩。寧摧撞折。豈不能學羣兒。彈射也。王忬亦成進士。距鄉薦三十五年矣。除知曲沃縣。裁青衣皂隸。夫馬徭役。沈費三千金。有奇。邑豪占丁役一里。取值歲數百金。鍾革之。與豪忤。豪搆中傷。鍾謫汝寧教授。遷黃州判官。兩淮鹽運司判官。大理寺評事。時有誣及殺叔者。鍾力辯得白。顧其叔富室也。關節於主卿。主卿又張居正姻婭。以是沮抑。甫遷寺副。卽出爲蜀王府左長史。以病歸。心切施濟。有德於鄉人。卒祀鄉賢祠。子_叔不棄。萬歷選貢。休寧縣丞。清介不避權貴。

卷之四

十五

邑豪率酋眼。汲曰。居官而爲人奴隸。非夫也。拂衣歸。武功廟學祠宇。漆涓橋梁。皆汲倡修。復置義塚。建浮屠。著有南遊稿。仰濱樂府。以子相官。贈_節縣知縣。子臬相橋。林臬字汝陳。爲諸生。以文名。顯與弟相橋。號關中三鳳。前後提學。重其文。屬專纂陝西陵墓志。秦昌選貢。著有二水山房草。無子。嗣弟相子文熙。以文熙官。

國朝贈高邑知縣。文熙字存白。年十六。充縣學生。與族弟熾。同明崇禎舉人。

國朝初。除知高邑縣。政尚簡易。工古文辭。與修陝西通志。所著有解谷集。旅遊草。武功縣續志。子_封字公愼。事繼母孝。由康熙貢生。除山西臨汾縣丞。著能名。歸開青玉閣。會詩文。工繪事。三舉鄉飲大賓。著有蜀道吟。浪遊草。平陽紀咏。封弟_壇字仲謙。順治舉人。知安仁縣。充康熙丁卯科同考官。能得士。增弟子金門。庠生。以孫廷

榴官。

馳贈枝江縣知縣無子。嗣兄金輅子瀆字法聖家貧事嗣母備甘旨。母卒鬻產葬。產且盡。或勸之泣曰。親恩罔極。我能自盡者此耳。遂爲後日饑寒計。子廷榴卒成進士。以廷榴官。

贈枝江知縣廷榴字安石。乾隆辛巳進士。知枝江縣。疑獄苦株連。廷榴訊得魁。寃盡釋。邑瀕江。殺人輒投尸江中。嚴懲曲論。風乃息。江岸善崩。居人危之。程工修築。民獲奠安。在官六年。以母老乞養歸。相字爰立。萬歷選貢。知邱縣。有惠政。官四年。以父喪歸。不復仕。或勸之喟然曰。一親膺封典。吾志畢。寧復爲五斗米折腰。著安雅堂草。祀鄉賢祠。子文耀。生埏。

國朝庠生埏。曾孫徽楷字伯模。父早卒。祖蒲錫疾爲嘗。薑甘苦。邑宰楊毓芳旌其門。間作詩歌。語音偉。畫亦有致。文耀弟文能。庠生。

卷之四

十六

于埏亦庠生。埏以孫洲官。

馳贈修仁縣知縣無子。嗣弟塿子金直字秬。庠生。生九齡。塿埏哀泣如成人。博聞善記。爲人長者。舉鄉飲介賓。知子洲才。督課嚴。洲卒成進士。以洲官。

贈修仁縣知縣洲字萊峯。號南林。少爲諸生。文名藉甚。肄業關中書院。與大荔李法。武威孫備。吳堡賈天祿。雒南薛宁廷。韓城王文端。公杰。倡爲古文學。時孫氏景烈主講席。稱爲關中六士。乾隆丁丑成進士。除廣西修仁縣。解緬甸軍需馬。辦兩月。遭父憂。歸服除銓。知浙江德清縣。兵部員外郎周。浙江布政使徐戚也。索厚饋。不與。遂構洲。旣泣任。清積訟。辨舉人蔡三辰寃。縣瀕太湖。爲盜藪。正月朔。出其不備。捕獲盜首十三人。徐上計殿。調簡改教授。乞病歸。主講嶧縣膠州書院。洲少肆力古文辭。論者謂直接對山空同諸。

君子生平游歷西至蜀南極粵往來吳越楚豫燕趙而終老於齊
山川助其氣勢憂鬱佐其謠吟卓乎自成一家言所著有對雪亭
文集十卷詩集六卷詩餘一卷論語講義一卷詩經講義一卷洲
生平謹言文辭亦不輕作子樹楠外舅陶爲妻乞壽言却之文熊
弟文烜字印白年十七值明季流寇入關索餉急文烜爭免十九
與人交周急無德色子堦生金爐字仲鼎雍正舉人淹貫經籍好
班扶風范華陽書文章有兩漢風老舉鄉飲大賓金爐弟金印無
子嗣兄大猷子瀚字浩然乾隆貢生喜作記傳表章邑人潛德與
孫氏景烈爲文字交互相質也有清白裔或誣爲奴邑宰偶浴瀚
事得白堦弟堦字子敬庠生家素裕歲饑輒出粟濟窮乏子金綬
字子章庠生尤樂造就後學出資爲里黨延師且給衣食焉橋字
叔濟號元珠明萬歷癸丑進士授行人司行人奉使朝鮮卒於道

卷之四

十七

著有南遊詩失於丘嫂于文烜庠生生墟。

國朝順治間人子曾錫字天秩幼失怙恃家寢衰歲饑不及菴隨
母就食外家扶風母旋卒亦厝焉年十餘歲歸里迎母櫬同父合
衾如禮以孫玉樹官。

馳贈膠州知州子書紳字公佩少歷貧窶嚴冬草閣不蔽風雪置
足藁楮中讀不輟年逾五十以乾隆選貢老教子玉樹成進士將
謁銓部書紳訓之曰爾民父母也爾視民如吾視爾則民視爾自
如爾視吾矣玉樹卒以循吏稱以玉樹官。

贈膠州知州玉樹字德潤號蔭堂少從父讀遭際艱難而學問固
旣成進士教授齊河令署究心吏事而治法精乾隆甲午攝知清
平縣時叛賊王綸陷陽穀北躡去清平三十里邑無城民洵懼玉
樹趣繕防禦鳩僕役公嚴懷印示必死民心以固賊平卽真首建

書院義學。教樹桑種。調劇嶧縣。地衝役重。而秣役馬。輸官煤。濟益口河。及連河。緯夫尤爲民累。泄任十日。悉罷之。旣而河決絕。運道漂沒。廬舍無算。玉樹詳報請恤。檄截留糟米濟寧。濟寧距嶧二百餘里。乃假數千百金。倍糴黍粟。加額以賑。徐糴漕米。酬假款。是役也。省運費。無需時。民得黍粟。數倍南米。其利普焉。廉遠知膠州。某生素通胥吏病。民聞玉樹至。懼而自裁。於是豪強斂跡。遷知濟寧州。一年。再遷雲南臨安知府。首罷供支夫馬。次興學校。修水利。復義倉。士民感被。滇多私鑄儲粟者。藉以居奇。錢價日增。置城鄉錢米二局。米局假千金糴米。備糴錢局。貯制錢。收私錢。民間私錢滯塞。樂易制錢。錢價定米價自平。有疾者。民八百餘人。祈社減算。以代旣卒。農夫村嫗。更番哭奠。復肖像建祠。以祀。及行。選丁壯備糗糧。昇柩歸武功。傾城哭祖道。白衣冠如霜雪。一時有雪滿臨城之語。玉樹事親孝。居喪倚廬三年。及官嶧縣。袁粥施賑。嶧當

卷之四

十六

南巡蹕道。期迫。賑未畢。趨役次。夢父告曰。民饑奈何。驚覺。馳歸。賑賑務。著有恒訓。閣志學錄。存辨錄。秦賢彙集錄。各二卷。惕終齋日記。十四卷。詩文抄存二卷。叔銘紳。字又新。監生。善持家。減衣食。佐兄讀。撫玉樹慈愛逾於兄。玉樹視猶父。及官嶧縣。馳贈如已官。鍊字伯純。號太乙。嘉靖甲辰進士。由行人司行人。遷刑科給事中。齊東有紅羅女。田斌變。巡撫何鰲匿不聞。鍊特疏發其事。世宗震怒。下鰲獄。鰲黨嚴嵩。躡鍊。鍊知陝西總督曾銑才。與大學士夏言議。俾開府西陲。圖復河套。舊疆。嵩與言有夙隙。誣殺言。及銑。更責諫垣。各予杖。鍊被杖幾死。出爲湖南按察司僉事。湖南士大夫稱最。歸里四十餘年。置義田。周族黨。年九十一歲。卒。祀鄉賢祠。著有太乙稿。經濟錄。雙溪樂府。太乙詞抄。孫珠。元孫維紳。

字四持。乾隆貢生。讀書觀大意。而工於文。嚴正不妄交。舉鄉飲士賓。維紳從祖弟。濼字進菴。庠生。亦工於文。然而數音。族兄演善數。屢阻其試。潔憤甚。卒不第。以投徒老。球弟琳子。隴字君闇。性豪邁。讀書遇古忠孝。輒掩卷揣其情狀。與從兄文熙同崇禎舉人。

國朝順治元年。流寇李自成僭偽號西安。某舉曠才。賊嚴檄招之。不應。劫致投偽職。又不從。置諸獄。大罵賊。賊毆曠仆地。不食死。續志缺載事。詳家譜。覈死年符明矣。據譜增入。

志曰。海以力田起家。傳數世。科第聯綿。簪纓繼起。列名膠庠者。且百數十人。巍然爲郅邑巨族。而鍊之直曠之烈洲之文章。玉樹之政事。尤爲表表可傳。余嘗讀其譜牒。至海追還遺金。儒珍負母骨。逆旅。輒爲之慨嘆不置云。

尚薰

卷之四

十九

尚薰字德馨。尚家坡人。父達昭。巡檢贈工部員外郎。薰與弟芳同領嘉靖甲午鄉薦。薰甲辰成進士。知襄陵縣。興除宜民。遷南京工部主事。再遷工部員外郎。分遣雲南開局鼓鑄。未幾歸。卒於家。芳爲諸生。讀書善慶寺洞中。貧。書借書遍錄。悉能記誦。後知榮經縣。薰孫承業字克承。號九崖。與兄子聘同領天啟甲子鄉薦。除知石城縣。僧訟失金。承業曰。此金非外人所得知。按之果僧弟子。發金千餘兩。左右勸入官。承業曰。僧被盜而我得金。是二盜也。卒予僧監生某。兄弟構訟。爭餽。字路斥不受。仍勸諭友愛如初。邑俗爭墳山積。曠久不決。承業與曠立與清結。官六年。民立祠以祀。聞流寇亂。告歸。卒於道。曠字三工。詩文善繪事。除知河南鎮平。緣事謫常州照磨。

國朝順治初。除寧國府知事。承業子聰。號小崖。順治己亥進士。知

山東陽穀縣。

李時吉

李時吉字惟亨。在城里。光世自固始遷武功。以德新爲始祖。七世孫思恕封山西按察司副使。生時吉。性樂施與。歲饑。鄉里乏糶。種傾庾分給。明年倍其倍。辭不受。弟時芳字惟榮。號兩山。萬曆甲戌進士。戶部主事。監倉場。嘗衛投數金不起。易新衛。鑄銖悉應。出知河南府。以經術飾吏治。刻薦三十六。疏遷山西按察司副使。岢嵐道地近邊。墻修城壘。卒乘。墾營田數千畝。再遷山西按察使。丁憂歸。著有兩山詩集。時茂字惟實。萬曆選貢。除開州判官。善折獄。遷河南府通判。時闕。寺競開礦。場激芻兵變。時茂單騎往諭。執渠魁。餘悉解散。封嵩縣。永寧。盧氏。一十三礦。洞。遷知雲南劍川州。俗多跣足蠻服。浹月革。兵舊。釐正三十年。丁賦得編。匿丁九

卷之四

三

千。徭役以均。子可植。天啟舉人。崇禎八年。流寇高迎祥畧武功。殺可植於路。時芳子可植。字在敏。崇禎庚辰進士。知真定縣。改補翼城縣。會流寇亂。棄官歸。

國朝順治初。除知上猶。辭不赴。未幾卒。時吉子可材。字用吾。順治庠生。善醫學。舉鄉飲賓。可材弟可棟。字在美。順治貢生。博學工書法。兼精篆隸。叔時茂卒。其子奔喪劍川。可棟跋涉數千里。同扶輿歸。

弓鉞

弓鉞字汝虔。明初。始祖寬自邠州徙武功山。邨好施濟。生子仁。官授秦王府典膳正。生鉞。隆慶貢生。除德平教諭。遷蘭州學正。再舉鄉飲大賓。晚年寓長安。亦再舉長安鄉飲大賓。孫之秦。

國朝庠生。復歸武功。孫文煥。字六章。家素貧。無子。力作供弟冲漢。

讀冲漢卒。撫其子賜彤。日事龍馭。問曰。弟子猶吾子也。冲漢岸。賜彤亦岸生。賜彤子。峻。登字極之。乾隆舉人。好古文詞。喜方畧。嘉慶初。川楚賊劫掠山外。武功騷動。峻登鳩衆堡守。遠近效之。鉞兄子既。穀贈成都通判。子耀。字騰輝。萬歷舉人。除成。通判。時值明末。盜賊咆哮。擄掠。耀設計擒獲。居民安堵。遷知山西永寧州。盜謀襲殺。耀聞之曰。吾愛民。何畏盜也。盜卒不敢發。任永寧。務崇學校。鉞兄弟六人。兄統。銳子孫。多徙居長安咸寧。有舉人射斗丕中。不隸武功籍。

郭內俊

郭內俊。字見心。洛陽邠人。始祖子寧。宋代自固始遷武功。八世孫榆生。內俊。萬歷舉人。貧而好學。知單縣。務實政。子如嶠。鄒縣丞。榆叔世良。元孫容兆。字眾康。

卷之四

五

國朝監生。考授州同。愛弟容庶。弟卒。撫弟四子皆成立。以子綸官贈成縣訓導。容庶。孫慎行。字敏夫。乾隆舉人。著學庸知解錄。除鎮安縣訓導。未赴卒。

朱國楨

朱國楨。字翊明。川口人。始祖錦。元奉議大夫。阿魯府左長史。六世祖鑑。元孫光裕。明萬歷貢生。肅州衛教授。生國楨。治尚書及左氏春秋。萬歷丙辰成進士。知山東壽光縣。三災蝗。緩稅息徵。給牛種。令捕蝗百石。賑粟百石。立格旌賞。於是逃民復業。子運豐。

國朝康熙。貢生。事母孝。能文章。子最。康熙舉人。運豐兄子。戩。庠生。工詩。著有敬齋草。崔昭稱其大言炎炎。深詣理窟。益不徒以詩鳴者。

黃建極王鎰

黃建極字表中。號東崖。顯義里人。天啟舉人。知荏平縣。縣有巨盜嘯聚。乃禮結士人。廉盜所潛伏。出奇計。置諸法。察廉行。取入都。未及行。值

大清兵東下。城陷。及其女。乃自殺。後蒙贈恤。見明史忠義傳。所著有守城庸言五十四篇。子御袞。字仲補。弱冠隨父荏平。父殉難。哀痛悲號。拮据數千里。扶柩旋里。由

國朝康熙貢生。除鳳縣訓導。倡諸生修廟學。勤講課。重修鳳縣志。孫虞。字元弼。雍正舉人。知山西鄉寧縣。縣產鐵。業炭窟千餘家。苦胥吏需索。首禁之。隣縣饑。檄撥運常平穀賑。額不足。輒買穀協糶。電傷稼。出俸錢給籽粒。而後報聞。僧某掘地得金。議判入官。不從。給僧飾寺。弟虞。夏。早世。撫遺孤。鑑銘。如己子。鑑字于虛。父虞。夏。賈。蜀新都客死。塋義塚中。時鑑方數歲。乾隆壬午。舉於鄉。麻衣草

卷之四

三

履匍匐。新都尋父柩。荒塚縱橫。杳無踪跡。刺血漬枯骨。遍不得。則繞冢悲號。困頓中。若有人示以地。旋得碣土中。姓氏里居。無訛。復刺指血滴骨。血滲入。遂棺殮歸葬。秦蜀人皆稱黃孝子。除山丹教諭。

贈虞。夏如其官。遷寧夏教授。嘗教諸生曰。人之所以爲人者。忠孝而已。舍此何以爲學。

王鑰。字北門。高望川人。祖永裕。嘉靖貢生。寧鄉教諭。生悅言。萬歷貢生。韓王府教授。生鑰。崇禎舉人。嘗夢神示以鏡鑑及終身。既醒述之。而不言其終。除中牟教諭。遷知文安縣。爲政忼爽。精勤。十一年。

大清兵由喜峯口南下。鑰鳩衆城守。身率同官親當矢石。七晝夜。矢盡。援絕。城陷。死之。其同官主簿山東安衡典史河南湯國紀。訓

導河間郭養性亦死焉事聞贈尚寶寺卿廕一子入監。

國朝崇尚節義纂修明史載忠義傳鑰祀文安名宦祠而武功鄉賢典闕曾孫植病將屬纊語其戚張氏洲爲作記傳因次其事而爲之贊曰志士忘身貞臣死事溫序周苛風傳奕禩嶽嶽王公疆邑守吏傾厦曷支厥衷罔異殫力及旬之死勿二身與城俱舍生嗜義苟生者徒覩視而逃繫誰無死死等鴻毛惟公氣意企古賢豪太史執簡金管揮毫書事書名爰詔後世白日流光秋霜彌厲聖主旌忠勸來報往俎豆桐鄉牲醴斯享亦有在平臣節不爽比時同輝邵原莽莽凜烈英風我民慨想梓里可祠茲邑攸仰。

志曰我

朝王師撻伐天下無敵雖有孫吳安所施其知哉鑰與建極不量蝨臂城破之日甘心一死雖違

卷之四

三三

天命可謂忠矣鑑漬血枯骨忠孝萃於一門建極有孫哉鑰後嗣不顯而植拳拳祖德至屬續不忘悲夫。

焦國鼎

焦國鼎河道里人父萬倉國鼎沉重寡言早歲爲諸生杜門績學明崇禎末出穀賑饑後避流寇亂爲賊所獲賊有識之者曰此焦公也何可犯送還里。

國朝封刑部郎中祀鄉賢祠子勤字魯生順治舉人知臨桂縣遷刑部郎中扈從南海子奏對稱

旨命恤刑兩廣多平反擢直隸按察司僉事井陘兵備道有惠政遷江南布政司參議丁內艱歸哀毀踰禮嬰沉疾猶扶病事父晨昏初官嶺南妻劉卒於家終身不再娶分兩弟宦遊餘金無所私祀真定名宦邑鄉賢祠子映漢字雲濤由監生除知已縣康熙十

九年譚宏叛映漢募鄉勇捍禦全城卓異遷刑部員外郎出守平樂調慶遠撫馭犴猶巡撫彭鵬舉廉晉雷瓊道映漢宣揚

聖諭導民向化邱文莊濬海忠介瑞瓊產也風節冠一鄉遺文散佚倡粵人重刊遷江蘇按察使會總督與巡撫不協並誣映漢落職久之獲昭雪改廣西按察使卒弟映龍字卧雲康熙副榜工詩古交少侷廣交遊有豪放不羈之目旣而杜門三年更精性命之學學者稱卧雲先生著有拾遺集子世爵字紹菴爲映漢嗣子映漢被誣落職八年時世爵以例貢生需次銓部弟忍仕匍匐險阻萬狀旋遭父喪服闋除知霍邱縣邑有寶宦訟產托巡檢某懷金關說世爵笑且吟曰年來酌水惟明志夜靜焚香可告天某慚退四年被劾去職勤弟子映岱字春瞻早喪母事父以孝聞由康熙選貢除華亭教諭攝縣篆政教並著孫王範字玉成深沉有容地隣某誣其侵佔度地鄰實侵佔畝餘王範曲爲解說釋其憾讀書早慧年十六充生員第一人以貢生老映岱弟映恒孫繼烈乾隆副榜貧而好學授徒得修金付弟供家計妻子無所私鄉里稱友愛

張氏洲曰焦氏宦者三世顧類皆坎坷抑塞然所在民思抑班氏所云在官無赫赫之蹟去後常使人思者是與非與。

李栢李繼明程登科

李栢在城里人以耕讀傳家訓諸子曰勿分爾我勿蓄私財勿聽婦言惟力田業儒永守家法傳友庚友甲友甲無子友庚傳瑛瑛皆庠生兄弟恪守祖訓谷爨終身瑛傳生馨生馥俱庠生瑛傳御芬御芳御芳庠生生馨修明家法簡御芳掌家政早夜勤劬歷數十年財用無私兄弟子孫咸俯首聽命生馨傳修生馥傳棫章參

御芬傳倬。修庠生。家政聽於倬。雍正十年。參倬俱存。當是時。修傳含英。康熙丙子舉人。傳子作士。庠生。是爲李氏大宗。含英弟含芳。傳作弼。械傳含哲。庠生。次含謀。傳作善。彰傳含睿。含錦。含睿貢生。傳作楫。作棟。作梁。參傳含義。含元。含元傳作仁。倬傳含輝。次子含澤。爲御芳嗣孫。子孫衆多。咸聽命於倬。邑令上其事。

欽賜御書匾額。曰敦睦可風。含英字秀初。官海寧知縣。清介。自持罷歸。行李蕭然。亦足徵其家範。

李繼明。啞。峒。邨人。始祖李孟春。孫自誠。生繼明。繼亮。順治間人。兄弟不異爨。繼明傳長興。長隆。繼亮傳長泰。長美。四傳至元孫。五服親盡。猶恪守祖訓。不分析。時長美有六世孫瓜兒。蓋七世同居云。程登科。長寧舖人。父英生。登科。登第。父卒。登科傳良。良傳樹芳。歷秉家政。登第。傳和。和傳樹賢。樹積樹善。或讀或耕。或買皆勤苦。助家訖。嘉慶十八年。樹善及樹芳子式存。孫曾蕃衍。式及樹善能聯以雍睦。不替其家聲。

卷之四

二十五

志曰。栢家訓善矣。然非生馨簡才。授政統馭有法。又何以歷久不衰。繼明登科。事多未議。而合居數世。與生馨競美。故附栢後。以觀家政焉。

楊鑄

楊鑄字大治。菜園堡人。始祖廣明。洪武間。由河南固始遷居武功。鑄廣十世孫也。

國朝順治間。庠生。幼孤。事母六十餘年。逕馬嵬坡。拾李姓遺金。訪還長安。舉鄉飲介賓。將卒。焚借券。謂諸子曰。爲汝等消過也。子一漳。一湖。一正。君寵以一漳官。

贈中書科中書。一漳字子淵。增貢生。除膚施縣教諭。遷知廣西昭

平縣釐清逋賦以德化盜盜自革擢中書科中書授九江知府子
佐龍字熙載庠生援例除四川樂至知縣有惠政丁父憂歸著有
惜陰堂文集子本立字茂園乾隆選貢除潼關廳訓導遷知廣西
靈川縣再知湖北宜都獻江陵監利獄以平允著擇地建清江書
院士多稱之將卒以父有修理祖廟捐書院膏火夙志命子肯堂
竟其事肯堂既修祖祠復捐銀四百兩入綠野書院可謂善繼述
矣一湖字子善愉謹自飭家庠坐立地有定僅急公事雖勞瘁不
辭。

贈雷州府知府子躍龍字來田子本仁官陸豐知縣訓之曰進一
飲食當思下民脂膏子民一杖當思父母慈祥卒

贈雷州府知府本仁字銘西號槐亭少篤於學農忙荷農器歸及
家不知觸門駭然家人皆笑乾隆壬申成進士除知廣東陸豐縣
善折獄書院湫隘本仁捐俸倡修增膏火更立章程時李公侍堯
總督兩廣本仁特邀賞識調劇高要值平糶期高要額三萬石本
仁載錢赴墟民價纒纒且運三墟邑人喜其平請代糶大吏廉有
聽訟不疑獄輒委之某訟某糾衆伐山樹某爲証本仁曰訊証足
矣訊曰汝何生理曰小經紀幾時見伐樹曰凌晨幾時止曰將暮
本仁怒曰某伐某樹與汝無涉何故自棄其業自朝至夕甘受饑
餓某無詞乃服獄遂決察廉遷雷州知府以父憂歸服除補韶州
府時巡撫李公湖嚴督保甲獲英德竊盜九十餘名將置重法本
仁抗論再三乃從輕典遷高廉道以疾歸本仁居官二十餘年自
奉儉約勤於民事折獄尤著明察故所治皆稱其賢一正字在涓
庠生援例除知真定縣遭喪歸復除知館陶康熙六十一年饑勸
富戶貸穀數千石次年官責償不動倉儲貧民以濟察廉以知州

知蓬萊縣。攝知福建龍岩。尋知福清。通賦積十餘年。設順里滾催法。兩月賦清。獲盜繫鈴盜項。令偵二盜自贖。展轉緝捕。盜風遂息。遷延平知府。調漳州知府。緣事擢刑部主事。復緣事除光祿寺署正。閒曹冷署。處之淡如。君寵本名一浚。字子子。康熙舉人。知廣西陸川。俗多訟。君寵按以法。奸民斂跡。罷歸。善丹青。潑墨遣興。自娛。黨允福。

黨允福字澤吾。南莊人。始祖麗。歷十五世。時代無稽。以士清士廉爲一世祖。士廉明初人。子長端。整端見前志。整子資壽。資美。資壽八世孫允福。居鄉樂施濟。國朝乾隆間。舉鄉飲耆賓。子喬齡。藍生。亦鄉飲介賓。嘉慶十八年。喬齡年九十二歲。子黃瑞。武生。年六十五歲。孫金鏞。武生。年三十九歲。曾孫永祥。年二十一歲。元孫繩兒。年四歲。五世同堂。遵例申

卷之四

三七

報。資美八世孫。銑字衛廷。附貢生。事親孝。從父兄銓。卒於江寧。跋涉數千里。扶榭歸葬。銓母薛有姪國寧。貧無依。爲置家室。養之終身。性樂賙濟。藥米隨時。老弗倦。以仲子行義官。

馳贈山丹教諭。季子振聲。字健菴。好學能文。乾隆選貢。除華州訓導。志遠大。日與諸生會文。師而友也。得猝疾卒。

崔襟海

崔襟海字滄洲。在城里人。原籍固始。可考者自一世祖受始。受六世孫榕。生襟海。順治庠生。幼失怙恃。長好學。有聲鄉校。弟子多成名。同邑副榜焦映龍。選貢焦映岱。舉人閔文翰。族子昭。皆其選也。襟從父兄弟杞。生襟漢。字雲倬。亦順治庠生。善說經。聞者解頤。母卒。兄弟遠客。將葬大水及舍。伏柩號痛。幸不湮沒。及葬。徒跣泥淖中。遂病濕腫。著有四書輯義。子昭字孟宣。康熙舉人。博學能文。與

修陝西通志及武功後志除葭州學正。

孫國良

孫國良字必聖。城西街人。先世自固始遷武功。可稽者自繼元起。繼元生國良。康熙庠生。年十八有聲學校。事親食必甘旨。親卒。祭必涕泣。產僅中人。遇貧乏。量力周給。性介。偶疾。同學馬鳴秋贈藥資。一金。謝不受。子起相。生鎮。鎮子景烈。字孟揚。號西峯。幼奇穎。乾隆丙辰會試。取明通榜。除商州學正。己未成進士。改翰林院庶吉士。散館。授檢討。次年

廷試不及格。以原官休致歸。其將爲學正也時。

上命舉賢良方正之士。官令長陝西大吏首舉景烈。景烈以不得與會試辭。乃以六品頂帶爲學正。教諸生。闡發經義。究義利之辨。州人士競相勸學。自休致歸。貧益甚。居常惟母劉甘旨無缺。餘僅

卷之四

二十六

日一食。而一室雍雍。不聞交謫聲。景烈主講關中書院者三。阜蘭書院者一。與總督尹文端公繼善。巡撫陳文恭公宏謀。講求教育。人才之道。歲戊辰。

上命舉經明行修者。陳文恭公以景烈應。雖格部議。文恭自謂所舉無愧。景烈於學。以濂洛關閩爲宗。其論制義曰。業文而篤於行。明經而致於用。其言理學曰。理者性之所主。氣者性之所兼。天命氣而氣數亦謂之命。亦理不離氣之義。其爲文章。少時多奇氣。其後一以發揮理蘊爲主。所著有四書講義。關中書院課解。蘭山書院課解。西麓山房稿。滋樹堂存稿。郃陽縣志。鄠縣新志。皆封聞見錄。茶根園慎言錄。館課焚餘錄。孫氏族譜。弟景昌字仲揚。爲叔祖起良嗣。孫乾隆副榜。狷介慎取。與終日默坐。侍嗣祖母王疾。令出休。俟寢門外。不歸。

志曰孫氏郟陽鄆縣志皆依據康氏志例而篇目間有改易郟封錄標目七篇亦刪祠祀而增藝文地理一篇獨議人物多康氏志及續志後志所已錄增者數人文未成篇而徵引繁富足資采擇餘則搜輯未備其自叙曰予世籍郟封里遂以里名名其所錄不曰武功者欲自別於武功縣志云爾又曰武功沿革自康氏作志得其實者半失其實者亦半意在補正康氏遺誤而儲材備用書卒未成惜哉

高元介

高元介字介菴河道里人祖起志生光燿光學光燿生元介康熙壬申辛丑間歲饑稱貸濟貧之不繼勸有力者出粟里人感其惠以孫迥官

贈福建順昌知縣子益讓爲光學嗣孫舉鄉飲介賓

卷之四

二十九

贈福建順昌知縣子迥字雲客少聰慧六七歲能事光學起居長舉乾隆元年鄉薦除神木教諭遷知順昌縣胥吏誣鄉民富戶亦習詐民財迥嚴懲以法弊革以廉能著

劉永年

劉永年字延祝其先固始人元末遷關中咸寧數世再徙武功興城里父新基

國朝人娶於楊生永年父早卒母矢節祀節義祠永年兒時不妄戲事母孝康熙辛未歲饑永年負母就食終南太白間轉側危磴日行數里母素所嗜必陟峻歷深得乃止人稱孝子長子燦字闡公雍正甲辰副榜乾隆甲子舉人乙丑會試列明通榜以副榜除直隸趙州州判格舉人銓法罷除老於家主有郟書院講席邑令馮星阿兩舉鄉飲大賓

李可楫

李可楫字宜川。北岡人。始祖御可。自固始遷武功。七世祖誨。嘉靖貢生。四川威寧教諭。子居敬。萬歷貢生。山西太谷訓導。曾孫演。國朝庠生。子維畿。亦庠生。生可楫。乾隆貢生。家貧力學。舅氏素封。歲時周給不辭。亦不多受。爲諸生。授徒城北香山寺。偶入城。遇婦女。瞻視無少妄。邑令楊毓芳。聽其行。給貧生糧。不受。更餽斗米。亦不受。楊愈敬重之。延課其子。屢聘不就。楊登堂致聘。乃從命。或譏其迂。楊曰。吾正取其迂也。孫氏景烈。稱可楫自題其堂曰能貧。聞者皆笑之。然此君素有志節。不求於人。實爲貧而能自守者。志曰。士窮乃見節。義顧或出以矯激。則隘。可楫進退以禮。辭受無過。情彬彬然。文質君子哉。賢哉楊君。與單父武城爭烈矣。

張伸

卷之四

三十一

張伸字乃直。在城里人。父素蘊。明初由固始遷武功。可考者自七世尚禮始。孫桐生。素蘊素行。素行無子。以伸嗣。

馳封山丹教諭。伸幼隨兄偉。受書既長。善書法。兼精騎射。由雍正選貢。隨

勅使甘肅宣講

聖諭。因除山丹教諭。山丹僻處西陲。士少廉隅。伸振其委靡。士風一變。素蘊子偉生。元哲字濬公。監生。叔佩伸皆無子。伸卒於官。元哲匍匐山丹。扶柩歸生。平喜施濟。錢米藥餌。隨時調給。老不衰。子渤字海若。廩貢生。工詩。尤嗜音律。彈琴吹簫。無師程。自合律度。闢舍右隙地。置半畝園。琴韻書聲。弗輟也。著有半畝園詩草。

陳博

陳博字洽章。陳小寨人。康熙庠生。父敬之。以耕讀世。其家博學。專

周易參伍錯綜有所得輒筆之書書未就遭母喪日夜號眺遽火其書不復著每問門弟子曰汝輩讀易果於身心中見卦爻消息否居常垂簾面壁坐年將八十夏不扇冬不爐行不杖及卒累日顏色如生門人李厚傳其學著周易長言錄蓋淵源於博子應騶字龍駒弱冠能文乾隆乙酉甲午副榜。

志曰易自輔嗣尚元理學者淪於老莊漸與釋教相出入易道微矣博焚書見性面死如生居然佛氏涅槃然學貴心得視拘墟章句者何如也。

劉紹先

劉紹先渠子里人祖悌生澤民治民得民澤民生紹先乾隆戊辰歲饑與得民子紹宗施穀三百餘石皆舉鄉飲者寶紹先孫雲燭乾隆舉人狄道州學正得民孫養生士傑乾隆扶風舉人永昌

卷之四

三十一

教諭士傑兄子晉吉養心弟子雲龍俱乾隆舉人治民孫元灝字瀚如乾隆乙卯

欽賜舉人麟遊教諭工舉業劉氏子弟皆所成就。

何敬

何敬觀音堂人乾隆四十九年敬年八十九子士純年六十七孫璞年四十六曾孫其雄年二十八元孫丁酉年八歲五世同堂五十年奉

旨旌賞黃絹一疋匾曰盛世休徵。

蘇氏

蘇氏新尚邨人分東蘇南蘇東蘇相傳十三世有生員十人南蘇甸亦傳十三世有生員六人其五世皆

國初人甸子朝宰生冉仁冉傳至曾孫仁傳至元孫五世同爨鄉

黨稱孝友。譜皆冠唐以前。蘇建世次。僅載康氏志所錄。宋元無徵。又有新邨蘇氏。不能舉其高曾。亦據康氏志繪爲宗圖。有名志仁者。乾隆十一年。據圖充蘇瓌後裔。守瓌墓。四十八年。儒學舉志仁孫庠生殿雲。爲蘇武後。未及行卒。

志曰。蘇武。杜陵人也。子通國。後裔無傳。武兄嘉十一世孫則。始爲武功蘇氏。子姓繁衍。不僅瓌一支。據唐書表。自漢暨唐。蓋三十二世云。志仁狀稱遠祖瓌。殿雲狀稱二十一世祖武。武長子純。覽者高閣唐書矣。蘇氏顯於漢。盛於隋唐。計其功名甲第。豈處韋杜下。迄今求其後裔。展轉疑似。間茫然莫得其統緒。嗚呼。觀於蘇氏盛衰之際。不重可慨哉。

人物志上之二

黃鸞

卷之四

三

黃鸞。邑布衣。少弗羈。尙力使酒。嘗與康恕者撻於市。旬弗解。時人爲之語曰。康恕黃睛。高麗銅盃。并州鉄刷。鸞一目微眇。故云。雖兄若弟。咸遠之。數年。悟而悔。且收屏跡。東山麓。數從有道者遊。處惡少。妬其倏異。已也。羣聚詈之。鸞笑弗答。或攘臂逐之。鸞閉門謝鄉黨。咸曰。古有周處。今有黃鸞。因所居。共號爲東麓。卽封録引牛恒白閣集如此。鸞始與恒同時與。

牛恒曰。蟬脫糞。潤。有汲風飲露之操。鳩。馴鳥也。化爲鷹。忿搏擊焉。夫人固在所變。何如爾。

張山人

張山人。失其名。南師仲元麓堂文集。有送張山人歸武功序云。張山人者。武功人。慕長生。自弄髻遊四方。名邑大都。雅善倉公術。誦太素脉訣。年八十。容貌蒼矐。筋骨矯健。日行百里。不倦。序作於萬

歷丁巳十月。

李服義

李服義字良貴萬歷貢生登封訓導永年教諭遷知閩鄉縣政尚寬大閩鄉衝劇值外番貢使需索滋害服義爭之力罷歸。

韓識張善誘張守元陳謨

韓識字荊州大莊鎮人庠生萬歷貢生霞孫也崇禎甲戌流寇攻其堡識登陴發炮賊死傷衆攻愈急堡陷識持挺當門擊殺數賊被執賊壯其勇不忍殺識太罵不已遂磔死張善誘字誨我崇禎貢生流寇犯武功善誘守禦多方畧張守元楊陵鎮人與同鎮陳謨同懷結生死交流寇攻堡幾破守元及謨奮戈陷陣斬其渠賊愈仇之攻殺急前後數十戰賊乃解去堡賴以全一人卒鄉人合圖二人形春秋祭賽圖剥落猶存其面面圓鬚禿目光炯炯有生

卷之四

三

氣而張陳不辨贊曰子帶我劍我佩爾箠金蘭干城鋒鏑骨肉既一其心何分其身嗟哉耳餘爾張爾陳。

志曰韓識諸生耳而拒門殺賊甘心磔死以光學校可謂志士矣善誘克全所守張陳奮戈陷陣不死幸耳嗚呼苟無死志安能善其守哉。

孝友

張節

張節父居仁母亡居仁娶繼室馬康熙丁未居仁卒節事繼母孝棲身窳穴日隨馬力耕餬口已未馬年三十七突來惡少強爲馬媒馬怒斥之越數日夜半惡少糾黨至馬拒門罵衆攻門急節持刀力敵衆怒焚窳閤家被害馬女節弟亦同死死後檢屍馬髮鬢焦灼面目如生節手抱弟妹僵屈馬側猶作衛母狀。

志曰節穴處力耕事母。已無愧爲孝子。變起倉猝奮不顧身。豈復知有繼母哉。旣死抱弟妹以衛母屍。其志更可悲也。馬抗節捐軀。真不愧其子者。

字文澄。西街人。少喪母。哀毀如成人。長事父及繼母。以孝稱。父老病。奉湯藥十餘年。不歸寢。父歿。過哀成疾。遂不起。雍正八年。奉旨旌表。閔洪章。庠生。有學行。年五十。父怒。捧杖請責。怒解乃止。事繼母亦以孝稱。張復才。顯我里永臺人。天性孝友。父病。祈廟身代。年五十先母卒。令弟大立。歿以素衣白冠。將屬纊。抱母項絕。初歲饑。或減價售產。復才曰。吾力不能周。饑復乘人急。以自益。吾不忍也。如時價償。董榮。豐盈寨人。生五歲。父君文卒。母李年二十四。撫榮苦節。榮事母。飲食必親。輿衾枕必手置。乾隆五十七年。母年七十七卒。榮亦年五十七。哭泣如孺子。旣卒。冒霜露守墓百日。戚友

卷之四

三四

爲結廬墓側。榮增墓封高一丈三尺。周六丈五尺。戚友勸歸。終身焚香墓前。日三次。母墓在城北一里。李振楷。白楊寨前衛人。庠生。爲叔演嗣子。孝謹得演及母宋歡。演妾張怨宋。並及振楷。宋歿。演欲嫁張。振楷泣求乃止。張感之。先演卒。演哭之慟。以已衣棺葬。張統岡上邨人。田不滿三十畝。養母段倫。甘旨姑適周邨吳氏。吳死。遺子英九齡。無恒產。吳族譏嫁姑。母曰。姑失節。吾不忍也。統遵母命。迎姑養終身。撫英生子成立。乃割畝分居。馬亨。新尚村人。父斌。庠生。乾隆三年。斌病足廢。處庭戶則出人負。出遊則設輪椅推挽。任所適。興盡乃返。歷二十三年。父志廢疾。取材字特生。布王堡人。父早卒。事母孝。家庭瑣務。必請命乃行。與人交。懼辱親。無失言。母卒。旣葬。結廬墓側。伯父病歿。奔哭。哭罷奔墓。三年後。猶朝夕省墓。歷三十年如生前。康達。字九衢。在城里人。父起忠。有弟起德。無子。

以達嗣達幼育於嗣父母卽知孝養既長父病劇達延醫蓋屋夜墮雪窟僵曉有出之者旣甦問姓名所延醫也喜導醫衛行遇澗溪輒赤足破冰引衛渡醫感其孝愈父疾醫戒父酒肉父卒終身不御酒肉母患疽吮之不愈卒見疽者輒泣下乾隆乙酉卒年六十五歲。

志曰達可謂純孝矣觀其卧雪履冰見疽涕泣愀然如孺子豈復有所容心哉。

徐四達劉漢周馬順世

徐四達字近修在城里人嘗之薛固鎮拾遺金還其人盜竊衣物置不言舉鄉飲大賓劉漢周字絳侯家素封樂濟人緩急歲饑出粟五百石無德色邑令上其事。

欽賜九品頂戴馬順世韓店人乾隆元年拾遺金三十兩扶風生

員魏振東金也召魏還其金。

李白春李大春

李白春字石年本榆林人兄大春籍武功亦移家焉白春世武職父甲明臨洮鎮總兵官征流寇立奇功白春亦官參將棄職浪遊豪放負氣不面諛人當時豪俠莫能屈天春字聖年順治舉人工詩著有采鞠堂詩集豐川王心敬序曰大春丰神俊朗應試宏博有名士風其詩詞與河濱朝邑李楷郿李栢郿縣並以風流嫺雅角逐藝苑當時有諸李之稱又有三李之目大春附見後志藝文未詳行事觀王豐川序言及采鞠堂詩集豈處白春下卽封錄又有李叔夜能詩與李天生富平人李雪木相伯仲其人無考亦大春流亞與。

閔文翰字陸翮。聶邨人。康熙舉人。家貧好學。讀書綠野書院。時與同志講學。詩學少陵。著有見山子詩集。孫氏景烈嘗謂爲諸生時武功文名最著者。九人。庠生康復齋呂錫舉人徐說敏遜。崔孟宣。昭張子甲士元。閔陸翮文翰。趙燕乘。驥恒。貢生牛原。其逢慶。牛廷錫之環。吾師耿濬干先生星。字天章。九人中。惟崔昭官學正。餘或以舉人終。或以貢生。生員老。皆不遇。生員何瑞字雲卿。漆邨人。早慧。爲詩歌古文辭。百韻千言。頃刻以成。顧短軀羸貌。屢試不第。乾隆乙酉卒。張氏洲哀辭曰。慨生才之不偶兮。羌吾不解於天意。胡孕秀而降美兮。胡淹抑而藏閑。造物無心兮。故不可知也。才者不祿兮。則固如斯也。三十曰壯兮。方進步以寸。何遽天闕兮。忽焉滅此驥足。昔文考與子安兮。乃名永而齡促。生詎有同符兮。弗獲長視而遠矚。憶縱筆於千言兮。浩浩洋洋。長歌短吟兮。金石宮商。瞻瓊瑰火齊兮。玉珠璀璨以光芒。顧茲儕輩兮。疇可與爲頡頏。孰搜輯以掇拾兮。懼篇帙之佚亡。望渺渺而愁予兮。徒躑躅以彷徨。嗟生豐才。嗇厥值兮。困屈淹蹇。中道逝兮。護庭哭泣孤幃。涕淚兮。吾生友者。聞且喟兮。

志曰。余讀何生百韻詩。豪邁有奇氣。竊嘆牛槐堂之風於茲不墜。及讀張氏哀詞。又不禁掩卷爲何生惜。嗚呼。自古文章憎命達。豈何生已哉。

魏惟慎李厚

魏惟慎嗜性命之學。潛心孤詣。不以窮困廢著。有性理注解。廣太極圖說。會大饑。客死隴西。書亦散失。李厚字凝莊。川口南莊人。庠生。學易于陳博。得其精粹。著周易畏言錄。自序曰。易有畫數。而有物象。有物象。而理亦流貫於其間。三者雖均爲易道之所該。而象

尤重蓋由數以生象象立而一定之數亦在焉是象固可以該數而理又无不該于象中也其著書宗旨如此書成於乾隆四十年五月凡六冊不分卷帙。

志曰惟慎與厚皆不求聞達之士去今數十年鄉人鮮知其名惟慎客死他鄉著書散逸其遇更厄於厚然而惟慎不沒也。

徐立功

徐立功徐家灣人去李厚居十餘里每食減撮米儲筐積撮成合終歲累斗斛煮粥施捨歷十有二年秋禾熟立功宵防失禾子孫競偵竊者獲諸鄰斥鳴約正鄰笑曰爾翁贈耳曷往質子孫赧然退。

志曰減食爲施雖小惠有釋氏布施遺意焉莫夜贈禾匿及子孫足以知其隱德矣。

卷之四

七

王世平段玉田

王世平布王堡人乾隆

恩貢生。行高潔與孫氏景烈爲文友偶醉醒而自秩曰世平能改否除西鄉縣教諭以廉介稱段玉田字藍山蘓坊邨人乾隆舉人富平教諭父疾滌廁驗氣汚其鼻兩兄同朝夕衣無專屬嘗受業孫氏景烈教士富平一如孫氏教商州士春秋廟祭舊習尅減犧牲折價數倍除其弊官六月卒先是邑令黃景畧嘗延主有邵書院講席多士樂其教及卒迎柩乾州哭失聲。

劉彪田生玉周大用

劉彪楊陵鎮人父爾公彪由行伍從大將軍岳公鍾琪征西藏積功擢都司移家四川乾隆四十年間累遷至建寧鎮總兵官姊適張佩見節婦傳言彪移家時袒示瘡痕身無完膚田生玉可層鋪

後衛人由西鳳營武功汎行伍調征川楚賊嘉慶元年從戰襄陽瓦子岡二年從戰夔州青莊坪以勇敢拔補郿縣經制外委三年從戰開縣西河壩陣亡子招喜。

恩廕雲騎尉周大用前衛人亦由武功汎行伍勦賊嘉慶三年從戰蓋屋焦家巷咸寧大峪口褒城連水塢銅廠俱捷四年拔補邠州外委五年從戰西鄉王子山陣亡兵丁李發崔棟王有功程泰高成朱廷桂郭喜徐鏡張喜李盛鄉勇張順俱以陣亡從生玉大用祀乾州昭忠祠。

舊志關訪人物

張秀字國華明監生好善樂施與人無競諸昆弟待以舉火邑稱有德君子焉趙明俊字賓廷明庠生父母早逝善撫諸幼弟以立後析爨以季弟無子復與同居教其子善事叔如事父仲子昌周

卷之四

三

舉於鄉劉志德號仰吾克敦孝友尚義急公舉壽官鄉俛子珂。

國朝順治舉人官上虞知縣張德惠字子民山西平陽教授惟恭子也康熙貢生授興安州訓導張廷相早歲失怙家貧不能延師每逢人質疑考證以資所學學成遊鄉校食廩餼貢入太學終身絕跡公府薛文龍於昆季特友愛有弟流落蜀中龍思念日篤遣其子徒步入蜀徧求以歸爲娶室立家焉張天宿字野父庠生少

有文名方正自持邑令區其門舉鄉飲賓李環性孝友樂施予邑侯給匾獎之

志曰舊志載張秀八人事跡寥寥亦從關訪例附於篇末續志有霍達由進士官

國朝工部尚書按達舊籍武功後徙長安見通志今不錄
舊志補遺

續志補錄二十六人

任安寶會宗寶武寶統蘇紹寶吳蘇衡寶發蘇澄蘇拯蘇安世蘇致堯蘇泳杜後志補錄二人

史承遺蘇猷蘇靈芝徐張徽張君美康錫康錦楊舟

薛孝謨通志補錄二人

馬師祠薛得中

邵封錄補錄五人

蘇洪劉林甫趙曾梁璞馬京

按寶武寶統寶

真寶毅皆非武功人寶會宗子孫徙武功會宗無徙武功事見唐書表任安所居武功在渭南漢武功縣西無豪小邑非今武功地見水經注俱不錄

晉

蘇紹字世嗣愉子爲吳王師石崇妻紹兄女也有詩在金谷集中弟慎左衛將軍

北周

蘇衡當元魏之末周文帝宇文泰時爲魏丞相欲於行臺置學選德行明敏者充之又於諸生中簡淳懿者爲侍讀遂以衡及汾陰

薛慎等十二人入選

隋

蘇徽蘇肅皆威從父弟並以鄉正爲盧愷徵用文狀後至而先任肅右足蹇授朝請郎國子博士何妥與威不協奏其事文帝大怒

曰愷敢以天官爲私恩朋黨甚明愷免冠頓首曰皇太子將以通

事舍人蘇夔爲舍人夔威子臣以夔未嘗遷固啟而止若與夔有

私豈當若此文帝曰威之子朝廷共知汝乃固執以徼身倖所不

知者便行朋附遂黜

蘇儼威之孫爲尙輦直長煬帝詔威安撫關中以儼爲副威子夔

先爲關中簡黜大使一家三人奉使關右三輔榮之

蘇洪隋太常寺卿乾隆二十年間邑人築堡西原掘地出墓碑書

云大隋國陝西雍州大常寺卿蘇洪之銘北周改武功郡爲雍州

故武功人謂武功爲雍州。

史永遵與從父昆弟同居。大業五年三月。有司上言。煬帝嘉之。賜物一百段。米二百石。表其門。

唐

靳孝謨。隋大業末。任朝邑法曹。唐高祖起太原。帥師渡河。孝謨以蒲津中渾二城迎降。高祖受禪。進金紫光祿大夫。武德二年正月。遣孝謨安集邊郡。爲梁師都所獲。孝謨罵之極口。師都殺之。二月。詔追賜爵武昌縣公。謚曰忠孝。謨墓在大莊鎮東北。有乾隆四十八年神道碑。

劉林甫。吏部侍郎。隋世選人。十一月。集至春而罷。人患其期促。貞觀元年十一月。林甫表。四時聽選。隨缺注擬。人以爲便。唐初。士大夫以亂離之後。不樂仕進。官員不充。州府多以赤牒補官。至是皆

卷之四

四

勅赴省。選集者七千餘人。林甫隨才銓叙。各得其所。通鑑以爲武功人。唐書林甫子祥。道觀城人。傳載林甫事。詳不云籍武功也。劉樹義。文靜子。貞觀二年。追復文靜官爵。襲封魯國公。怨父不得其死。竟以謀報被殺。

馬師祿。善相。長安主簿。蕭璿與縣尉李嶠。李全昌同詣求決。馬生云。三人俱貴達。大李少府位極人臣。小李少府得五品以上要官。位終卿監。蕭主簿晚達。亦大富貴。從今後十年。家有大難。兄弟並流。唯公與一弟獲全。又十年。遇大李少府在朝。當得引用。後璿離長安任。作秘書郎。則天旣貴。皇后王氏破滅。蕭璿是其外姻。舉家流竄嶺南。唯璿與弟瑗配遼東。獲全其時。李嶠作相於街中。忽逢璿。使人問是蕭秘書耶。因謂之曰。公豈忘武功馬生之言乎。於是擢用時。小李少府作刑部員外。蕭公竟歷中外清要。

蘇踐言良嗣子官太常丞爲酷吏陷死嶺南削其父爵中宗神龍元年復贈良嗣司空以踐言子務元襲封終邠王府長史

蘇獻頌之從祖兄爲太常博士伊闕人孫平子以中宗遷別廟欲遷於太廟下羣臣議獻及博士陳貞節等以爲七代之廟不數兄弟殷時或兄弟四人相繼爲君若數以代則無祖禰之祭矣今睿

宗之室當亞高宗中宗時立別廟非躋睿宗於中宗之上也從之

蘇靈芝開元中易州錄事善書與胡霽然齊名安世鳳墨林快事謂靈芝書揜有李顏二家而視北海則加莊視太師又多雋

按靈芝所書碑刻易州錄事開元二十七年建在易州刺史田琬德政碑開元二十八年建在清苑夢真容勅二碑開元二十九年建一在易州一在蓋屋范陽稠忠寺寶塔頌在大興鐵像碑署銜登仕郎

前行易州錄事田公碑則稱逸士夢真容勅但書武功蘇靈芝而不署銜惟寶塔頌乃爲史思明所書書思明以至德二載十二月表降以爲范陽節度使靈芝書頌乃在十一月蓋思明旣欲歸命先以此稱祝貢頌而靈芝結銜爲承奉郎守經略軍曹曹泰軍或已入思明幕下歟

卷之四

聖

蘇澄夔季子沁州刺史元宗女壽安公主小字蟲娘曹姬所生嘗令衣道服主香火後元宗爲太上皇代宗起居帝曰汝在東宮有令名指蟲娘曰汝後當與一名號代宗遂令蘇澄尚之封壽安

蘇拯昭宗光化中與考功郎中蘇璞書令人緘諛書名

宋

蘇安世字夢德仁宗慶歷五年爲三司戶部判官太常博士時有誣歐陽修者安世白其誣有令刺陝西民爲軍亡者死有司得亡

者皆死之安世言於上曰亡者不赦恐相聚爲盜惟朝廷哀憐愚民使得更生仁宗從之三十州亡者得不死安世之力也官至廣西轉運使員外郎

蘇致堯字唐卿慶歷甲申與范陽祖無擇清源王袞遊東海磨崖

篆石爲三字詩字大徑尺蹟類嶧山刻石宦蹟無可考

蘇泳字潛聖爲直都員外郎英宗治平中與穎川韓絳等十人過仙遊潭挹玉女泉有記。

金

杜佺字真卿宋末有詩名嘗以五言詩百韻上乾州守馬涓涓大奇之章昌中登科歷官有聲馬嵬楊貴妃墓過客留詩最多章宗有詔錄詩五百付詞臣第之佺詩在高第有錦溪集失傳惟馬嵬詩載堅瓠集詩曰楊柳依依水拍堤春城茅屋燕爭泥海棠正好東風惡狼籍殘紅襯馬蹄子師楊亦能詩尤工書翰。

元

張徽中統二年爲陝西行中書省左右司郎中善書有金京兆劉處士墓碣在西安碑林朱彞尊題跋云詞特崛奇徽正書涉篆隸體亦不猶人復工詩有題甘河遇仙宮送李和甫還筠溪詩。

卷之四

四

張君美嘗與乾州楊魚商畧條畫徵收課稅踰月而政成又嘗與員擇遊乾陵有刻記。

趙曾梁璞見元至正十六年重修文廟碑記記稱前進士趙曾篆額前全州學正梁璞書未載縣名蓋皆武功人。

明

薛得中官邵陽知縣邵封錄得中字南峯明洪武末知四川安岳縣見武功景氏家譜。

馬京字子高出洪武十八年志作十三年誤二甲一名進士授翰林院編

修歷左通政大理寺卿建文中左遷四川按察司僉事永樂元年

召爲行部左侍郎志作右侍郎誤皇太子守北京命兼輔導盡誠翊贊太

子甚重之數爲漢王高煦所讞戍廣西旣至仍坐前事逮下獄與

工部左侍郎陳壽吏部侍郎兼贊善許思溫皆死獄中洪熙元年

二月贈榮祿大夫少傅謚文簡志作贈禮部尚書誤四月遣官徐有業論祭贈謚制詞云維新之澤已被于生存康氏志云取之囹圄之中而卒于劾用之始豈有所諱而云然耶抑錄用之旨方下而京已瘞死無及耶文載部封錄

志曰裴松之注三國志論者稱爲陳壽功臣而不知史部義例詞尚體要裴之所補皆陳之所棄也然本裴注以求陳所取裁而陳之才識相得益彰裴亦不愧功臣之譽康氏纂輯人物意存采擇蓋正史事詳本傳不借志乘表揚野史稗官又多傳聞失信故康氏節取足適己意而已餘則槩從刊落觀其取舍詳畧頗具史裁此康氏之所長也後人視爲類書補其所棄豈不貽笑作者續志補蘇氏詳矣今考唐書表振綽子孫康氏所遺尚有二十六人續志何以缺載推其意以爲不足錄耳嗚呼康氏之意不更較然彰

卷之四

四

著載例以裴注備錄諸家所補亦可以觀康氏之斷制焉至於康氏誤引正史則有必待校正者蘇建蘇武俱杜陵人李育漆人蘇竟蘇純蘇章蘇謙蘇不韋俱平陵人皆非縣志所宜收蘇純爲嘉六世孫見新唐書康氏作建六世孫良嗣爲蘇弁曾叔祖見舊唐書康氏作瓌從孫皆誤北史綽亮同傳亮父祐祖稚綽父協而不及祖名周書稚作權綽傳亦無祖名綽亮異祖可知康氏以協爲稚子亦未審其所據

